

25° vel 30° non excedente, siccetur, deinde in pulverem subtilem redactum in vase probe clauso loco obscuro servetur.

Sit pulvis subtilissimus et colore e fusco rubro; in Acido hydrochlorato facile et plane solvatur. Ubi unum gramma pulveris cum quattuor grammatibus Nitratis natrici commixtum in crucibulo porcellaneo detonuit, liquor, elixiviatione residui albi relictus paratus, postquam filtratus est et Acido nitrico accurate neutralisatus, Solutione Nitratis argentici addita, praecipitatum e rubro fuscum ne praebeat.

Kreosotum.

(*Creosotum Sv 45. N. 54*).

Kreosot.

Liquor limpidus, coloris expers, tempore progrediente flavescens vel rubescens, paullo gravior quam Aqva, odore penetranti; in Aqvae partibus octoginta solubilis, in omni proportionem Spiritus, Aetheris, Petrolei, Sulphidi carbonici solubilis; in Solutione Hydratis kalici prorsus solvatur, quae solutio, majore copia Aqvae addita, ne turbetur. Ad chartam exploratoriam indifferens sit. In vase, epistomio vitreo clauso, a luce remoto servetur.

Lactas ferrosus.

(*Sv. 45. Lactas ferrosus crystallisatus N. 54*).

Melkesurt Jernforilte.

R. Sacchari lactis pulverati partes duodecim; 12
solvantur in

Seri lactis sponte acidi et turbidi partibus ducentis

quadraginta..... 240

et seponantur in loco, cujus temperatura sit 25° vel 30°, quo facto, mixtura fermentari incipiet. Acidum tum quotidie saturetur tanta copia

Bicarbonatis natrici,
 qvanta sufficiat, donec partes tredecim vel quattuordecim Bicarbonatis natrici adhibitae sint. Liqвори ad ebullitionem calefacto tanta copia Acidi sulphurici diluti addatur, ut reactio acida debilis efficiatur; deinde liqvor filtretur et in balneo aquae evaporetur, donec sexta pars relicta sit. Tum liqвори calido addantur

Sulphatis ferrosi partes novem,..... 9
 antea in

Aquae destillatae fervidae partibus duodeviginti.... 18
 solutae. Mixtura colata per duos dies seponatur. Crystalla orta a lixivia separentur, qvo facto, primum parva copia Aquae destillatae, deinde Spiritu abluantur, tum inter plagulas chartae bibulae pressa, leni calore adhibito, siccentur et in pulverem trita in vase probe clauso servantur.

Sit pulvis crystallinus et albidus; in Aquae partibus duodequingvagina, in Spiritu parva ex parte solvatur; Solutio aqvosa Solutione Acetatis plumbici addita vix turbetur. Postqvam Oxydum ferrosum, addita Solutione Hydratis natrici abundantanti, secretum est, liqvor limpide filtratus parvam copiam Sulphatis cuprici additi inter bulliendum ne reducat.

Lactucarium.

Lactucarium anglicum D. 50.

(Sv. 45).

Lactucarium.

Lactuca virosa L.

Frusta irregularia, angulata, opaca, fragilia, e flavo fusca vel e flavo grisea, sapore amaro et subadstringenti, odore narcotico; cum Aqua bullienti trita liqvorem turbidum, massam tenacem relinquentem, praebent; in Aqua, Spiritu, Aethere ex parte solubilia sunt.

Lapides Cancri.

Lapides Cancrorum D. 50.

(*Lapilli Cancrorum Sv. 45*).

Krebseoline.

Astacus fluviatilis Fabr.

Sunt orbiculati, plano- vel concavo-convexi, pisi magnitudinem adaequantes vel paullo superantes, albidi, e lamellis, quae per strata se excipiant, compositi, in Aqva indissolubiles, in Acido hydrochlorato cum fervore dissolubiles, lamellas in similitudinem lapidum formatas, pellucidas, gelatinosas relinquentes.

Lapis divinus.

Cuprum aluminatum D. 50.

(*Lapis divinus Sv. 45. N. 54*).

Alunholdig Kobbervitriol.

R. Sulphatis cuprici,.....	16
Nitratis kalici,	16
Sulphatis aluminico-kalici, singulorum partes sedecim	16.

Pulveratae misceantur et, leni calore adhibito, in patina porcellanea liqvesant; tum ab igne removeantur et ce-
riter admisceatur

Camphorae pulveratae pars una,..... 1
antea cum

Sulphatis aluminico-kalici parte una..... 1
probe trita. Mixtura in lancem porcellaneam effundatur et refrigerata diffringatur; deinde in vase probe obturato servetur.

Sit massa ex albo caerulea, Camphoram redoleat, in Aqva, residuo perparvo relicto, solvatur.

Lapis Haematites.

Lapis haematitis crystallisatus nativus D. 50.

(*Haematites Sv. 45*).

Blodsten.

Massae globosae, reniformes, gibbosae, racemosae, stalactideae, amorphae, colore e fusco rubro, structura fibrosa et radiata; sunt modice durae, sed in pulverem e fusco rubrum facile redigi possunt.

Lichen islandicus.

(*Lichen vel Muscus islandicus Sv. 45. Cetraria islandica N. 54*).

Islandsk Mos.

Cetraria islandica Acharius.

Thallus erectus, foliaceus, varie laciniatus, margine fimbriatus, canaliculatus, altera superficie fuscus, altera pallidior, basi sangvineus, siccatus rigidus et fragilis, humectatus mollis, cartilagineo-subcoriaceus, sapore amaro, cum Aqua coctus refrigeratione gelatinam praebens.

Lignum Guajaci.

Lignum sanctum D. 50.

(*Lignum sanctum, Guajaci Lignum Sv. 45. Lignum Guajaci officinalis N. 54*).

Guajak-Ved, Pokkenholt.

Guajacum officinale L.

Lignum ponderosum, compactum, durum, duramine resinoso et e subviridi flavo, albarno levio et pallide flavo; calefactum odorem benzoinum spargit. Rasura venalis frustis albidis, ex albarno vel e lignis alienis ortis, ne nimis mixta sit.

Lignum Qvassiae.

(*Qvassiae Lignum Sv. 45. Lignum Qvassiae amarae N. 54*).

Qvassia-Ved.

Qvassia amara L.

Lignum albidum, leve, in segmento transverso stratis concentricis et clarioribus et obscurioribus inter radios medullares angustos instructum, in frustis cylindricis, quattuor vel octo centimetra crassis, cortice tenui et facile separabili tectis vel decorticatis, sapore peramaro. Rasura venalis ne adhibeatur, neve lignum Picasmae excelsae Planchon, quod Jamaicense vocatur, quodque prostat in frustis, tria fere decimetra crassis, in segmento transverso radiis medullaribus latioribus instructis, cortice cano et lignoso tectis.

Lignum Santali rubrum.

(*Santali rubri Lignum Sv. 45*).

Rødt Sandel-Ved.

Pterocarpus santalinus L. fil.

Caudices duri, ponderosi, extrinsecus e fusco nigri vel e fusco rubri, intus sanguinei, in Aqva sidentes, structura tenuiter fibrosa, fibris oblique et diverse contextis, in segmento sericeo-nitentes, inter fibras canales latiores, per longitudinem in quadrata divisos, resina e rubro fusca repletos continentes. Lignum in mercatura molitum occurrens pulverem levem, subtilem, rubrum exhibet, ex quo Aqva nihil admodum extrahit, Spiritus pigmentum rubrum et resinaceum facile extrahit.

Linimentum ammoniacatum.

Linimentum ammoniacatum s. L. volatile D. 50.

(*Linimentum ammoniacum Sv. 45. Linimentum Ammoniaci N. 54*).

Flygtig Liniment.

℞. Olei Olivarum partes tres;..... 3

in lagena cum

Solutionis Ammoniaci parte una 1
ad massam homogeam et spissiusculam conqvasentur. In
lagena probe clausa servetur.

Sit colore albo vel e flavo albo.

Linimentum ammoniacatum camphoratum.

*Linimentum ammoniatum camphoratum, L. volatile campho-
raturum D. 50.*

(Linimentum Ammoniaci camphoratum N. 54).

Tyk Kampher-Olie.

℞. Olei camphorati partem unam, 1
Olei Olivarum partes duas..... 2.

Misceantur in lagena et cum

Solutionis Ammoniaci parte una 1
ad massam homogeam et spissiusculam conqvasentur. In
lagena probe clausa servetur.

Sit colore albo vel e flavo albo.

Linimentum Opodeldoc.

Balsamum Opodeldoc D. 50.

(Opodeldoc Sv. 45. Linimentum saponatum N. 54).

Opodeldok.

℞. Saponis butyracei siccati et rasi partes viginti
quattuor;..... 24

in cucurbitam vitream amplam et vesica perforata clau-
sam immissae inter qvassationem saepe repetitam cum

Spiritus concentrati, temperatione aëris majore, par-

tibus centum nonaginta duabus..... 192

temperatione aëris minore,

partibus ducentis sedecim..... 216
 digerantur, donec solutae sint, deinde in balneo aquae
 leviter ebulliant. In liqvore colato, adhuc fluenti solvantur

Camphorae contusae partes quattuor,..... 4
 et haec Solutio cum

Solutionis Ammoniaci partibus duodecim,..... 12

Aetherolei Rosmarini partibus duabus,..... 2

Aetherolei Thymi partibus tribus 3

conquassata in cucurbita, ut supra docuimus, vesica clausa,
 leni calore adhibito, seponatur et in vasa minora statim clau-
 denda et in balneo aquae frigido refrigeranda limpide decan-
 tetur. Residuum turbidum per Gossypium, parva copia
 Spiritus concentrati humectatum et in infundibulo calefacto
 collocatum, filtretur; deinde filtratum illa ratione, quae supra
 exposita est, tractetur. Servetur loco frigido.

Sit album, subpellucidum, opalescens; calore manus in
 liqvorem limpidum liqvescat.

Linteum carptum anglicum.

Engelsk Charpi.

Liqvor acidus Halleri.

Elixir acidum (Halleri) D. 50.

(Liqvor acidus Halleri Sv. 45).

Hallers sure Draaber.

℞. Acidi sulphurici partem unam;..... 1

in Spiritus concentrati partem unam..... 1

ita inter quassationem instilletur, ut mixtura non nimis calida
 fiat; tum liqvor in lagena epistomio vitreo clausa loco frigido
 servetur.

Sit limpidus, coloris expers vel subflavidus; per aliquod
 tempus sepositus odorem Aetheri similem spargit.

Liquor Arseniitis kalici.

Liquor arsenicalis, Solutio Fowleri D. 50.

(*Solutio Arseniitis kalici N. 54*).

Fowlers Arsenik-Draaber.

℞. Acidi arsenicosi pulverati partem unam;.....	1
immittatur in cucurbitam vitream, in qua insint	
Carbonatis kalici pars una,	1
Aqvae destillatae partes qvinque.....	5.
Mixtura calefiat, donec omnia soluta sint, deinde admisceantur	
Spiritus Lavandulae simplicis partes qvinque	5
et Aqvae destillatae quantum requiritur, ut pondus li-	
quoris sit	
partium centum;	100
tum liquor filtretur. In lagenam probe obturata servetur.	

Nota. Partes quinque hujus Liquoris tantam copiam Acidi arsenicosi continent, quantum partes sex liquoris in Pharmacopoea Danica 1850 praescripti.

Liquor Clauderi.

Elixir aperitivum Clauderi D. 50.

(*Elixir aperitivum N. 54*).

Clauders Draaber.

℞. Stigmatum Croci nuper siccatorum partem unam,..	1
Aloes grosse pulveratae,.....	2
Gummi-resinae Myrrhae grosse pulveratae, singulo-	
rum partes duas,.....	2
Carbonatis kalici depurati partes quattuor;.....	4
per tres dies inter agitationem saepe repetitam cum	
Aqvae Sambuci partibus triginta.....	30
digerantur.	

Liquor refrigeratus exprimatur et per aliquot horas sepositus, ut turbantes partes subsidant, filtretur. Eodem modo servetur, quo Tincturae.

Sit obscure fuscus, non pellucidus, sed limpidus.

Liquor Menyanthis acidus.

Elixir antarthriticum D. 50.

(N. 54).

Sure Bukkeblade-Draaber.

℞. Extracti Menyanthis partes quinque; 5
 misceantur

Tincturae Menyanthis partibus triginta tribus, 33
 quo facto, affundantur

Liquoris acidi Halleri partes duae, 2
 dum vas saepius conqvasatur. In vase vitreo epistomio vitreo clauso servetur.

Ante dispensationem diligenter conqvasetur.

Sit spissiusculus et colore obscure viridi.

Liquor pectoralis.

Elixir pectorale D. 50.

Bryst-Draaber.

℞. Extracti Glycyrrhizae partem unam; 1
 solvatur in

Aqvae Foeniculi partibus tribus; 3
 solutio seponatur, ut turbantes partes subsidant, deinde coletur et probe conqvasetur cum

‡ Spiritus ammoniacati anisati parte una 1.

In lagena probe clausa servetur.

Sit e nigro fuscus; limpidus dispensetur.

Liquor Succinatis ammonici pyroleosi.

Liquor Ammonii succinici, Liquor Cornus Cervi succinatus D. 50.

(*Sv. 45. Solutio Succinatis ammonici pyro-oleosi N. 54.*)

Ravsyret Ammoniak-Draaber.

℞. Acidi succinici partem unam; 1
teratur cum

Aquæ destillatæ partibus octo, 8
deinde inter agitationem sensim addatur

Supercarbonatis ammonici pyroleosi
tanta copia, ut Acidum plane neutralisetur. Solutio parata
per aliquot dies seponatur, deinde filtrata in lagena probe
clausa a luce remota servetur.

Sit limpidus, recens paratus colore flavo, postea colore
paullo obscuriore, odore empyreumatico; calefactus prorsus au-
fugiat; ad chartam exploratoriam sit indifferens; pondus speci-
ficum sit = 1,050—1,054.

Liquor Supercarbonatis ammonici pyroleosi.

Liquor Ammonii carbonici pyro-oleosus, Liquor Cornus Cervi D. 50.

(*Solutio Sesquicarbonatis ammonici pyro-oleosi N. 54.*)

Hjortetaksalt-Draaber.

℞. Supercarbonatis ammonici pyroleosi partem unam; .. 1
convassatione solvatur in

Aquæ destillatæ partibus sex; 6
solutio per unum vel duos dies seponatur saepiusque agitetur,
deinde filtretur et in lagena probe clausa loco frigido et um-
broso servetur.

Sit primo limpidus colorisque expers vel subflavus, postea
subfuscus et subturbidus. Calore adhibito omnino avolet.
Pondus specificum sit 1,060—1,065.

Lycopodium.

Semina Lycopodii D. 50.

(*Lycopodii Semina vel Farina Sv. 45. Semina Lycopodiorum N. 54.*)

Hexemel.

Lycopodium clavatum L.

Pulvis subtilissimus, mobilissimus, pallide flavus, digitis adhaerescens, Aqvae, qua difficulter miscetur, innatans, prunis injectus cum strepitu celerrime deflagrans. Sit prorsus siccus, non adulteratus quisquiliis vel polline saturate flavo Pinorum aliarumque plantarum, qui pulvis facilius conglomeratur; cum Aqva coctus, Solutione Jodi spirituosa addita, colorem caeruleum ne efficiat.

Manna.

Manna calabrina D. 50.

(*Manna electa v. calabrina optima Sv. 45. Manna Orni Europaeae N. 54.*)

Manna.

Fraxinus Ornus L.

Frusta plana vel canaliculata, siccata levia, fragilia, subviscida, fracta strata concentrica exhibentia, colore albido vel subflavo, sapore dulci, non acri. Dispensetur, si medicus Mannam canellatam vel electam poposcerit.

Massae irregulares, albidae vel subflavae, glebulis subfuscis et subviscidis mixtae, varia magnitudine, sapore subdulci cum quadam acrimonia, nauseoso, vocantur Manna vulgaris vel „Gerace“.

Utraque in Aqva et Spiritu bullienti, nullo fere residuo relicto, solvi potest.

Massa Pilularum de Cynoglosso.

(*Massa Pilularum sedantium cum Cynoglosso N. 54.*)

Hundetunge-Pillemasse.

R. Opii pulverati, 4